



Na osnovu člana 17. stav (1) tačka c) Zakona o sukobu interesa u institucijama vlasti Bosne i Hercegovine ("Službeni glasnik BiH", br. 16/02, 14/03, 12/04, 63/08 i 18/12) i člana 18. Poslovnika Centralne izborne komisije Bosne i Hercegovine ("Službeni glasnik BiH", br. 50/07 i 33/09), Centralna izborna komisija Bosne i Hercegovine je na 85. sjednici, održanoj 08.11.2012. godine, donijela

ODLUKU

O OBLIKU, SADRŽAJU I NAZIVU OBRASCA LIČNIH PODATAKA IZABRANIH ZVANIČNIKA, NOSILACA IZVRŠNIH FUNKCIJA I SAVJETNIKA

Član 1.

Ovom Odlukom propisuje se oblik, sadržaj i naziv Obrasca ličnih podataka izabranih zvaničnika, nosilaca izvršnih funkcija i savjetnika.

Član 2.

Obrazac iz člana 1. ove Odluke nosi naziv "Obrazac ličnih podataka izabranih zvaničnika, nosilaca izvršnih funkcija i savjetnika" i oznaku OLP/OOP i sadrži sve podatke koji su Centralnoj izbornoj komisiji Bosne i Hercegovine neophodni za provođenje Zakona o sukobu interesa u institucijama vlasti Bosne i Hercegovine, Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) i Zakona o sukobu interesa u institucijama Brčko distrikta Bosne i Hercegovine ("Službeni glasnik Brčko distrikta BiH", br. 43/08 i 47/08).

Član 3.

Obrazac iz člana 1. ove Odluke je sastavni dio ove Odluke.

Član 4.

(1) Danom stupanja na snagu ove Odluke prestaje da važi dosadašnji Obrazac ličnih podataka, donesen u skladu sa Zakonom o sukobu interesa u institucijama vlasti Bosne i Hercegovine ("Službeni glasnik BiH", br. 16/02, 14/03, 12/04 i 63/08).

(2) Ova Odluka stupa na snagu danom donošenja i biće objavljena u "Službenom glasniku BiH", "Službenim novinama Federacije BiH", "Službenom glasniku RS", "Službenim novinama Brčko Distrikta BiH" i web stranici Centralne izborne komisije BiH www.izbori.ba.

Broj: 05-1-02-1-2273-1/12
Sarajevo, 08.11.2012. godine

Predsjednik
Branko Petrić